

# Modlitwy po Św. Eucharystii

Слава Тебе, Боже. Слава Тебе, Боже. Слава Тебе, Боже.

## **Благодарственная моли́тва, 1-я**

Благодарю́ Тя, Го́споди, Бо́же мой, я́ко не отри́нул мя еси́ грéшного, но общника мя бы́ти святы́нь Твои́х сподобил еси́. Благодарю́ Тя, я́ко мене́ недостойного причасти́ся Пречи́стых Твои́х и Небе́сных Даро́в сподобил еси́. Но Влады́ко Человеколю́бче, нас ра́ди умеры́й же и воскресы́й, и дарова́ый нам стра́шная сия́и животворя́щая Та́инства во благодея́ние и освяще́ние душ и теле́с на́ших, да́ждь бы́ти сим и мне во исцеле́ние души́ же и те́ла, во отгна́ние вся́кого сопроти́вного, в просвеще́ние о́чию се́рдца моего́, в мир душе́вных мои́х сил, в ве́ру непосты́дну, в лю́бовь нелицеме́рну, во исполне́ние премудро́сти, в соблюде́ние за́поведей Твои́х, в приложе́ние Божество́вныя Твоя́ благода́ти и Твоего́ Ца́рствия присво́ение; да во святы́ни Твое́й те́ми сохраня́емь, Твою́ благода́ть помина́ю всегда́, и не ктому́ себе́ живу́, но Тебе́, на́шему Влады́це и Благоде́телю; и та́ко сего́ жития́ изше́д о наде́жди живота́ ве́чного, в присносу́щный дости́гну покой, иде́же пра́зднующих глас непреста́нный, и безконече́нная сладо́сть, зря́щих Твоего́ лица́ добро́ту неизрече́нную. Ты бо еси́ и́стинное жела́ние, и неизрече́нное весе́лие любя́щих Тя, Христе́ Бо́же наш, и Тя поёт вся́ тварь во ве́ки. Ами́нь.

## **Молитва 2-я, святого Василия Великого**

Влады́ко Христе́ Бо́же, Царю́ веко́в, и Соде́телю всех, благодарю́ Тя о всех, я́же ми по́дал благи́х, и о причаще́нии пречи́стых и животворя́щих Твои́х Та́инств. Молю́ убо Тя, Бла́же и Человеколю́бче: сохрани́ мя под кро́вом Твои́м, и в се́ни крилу́ Твое́ю; и да́руй ми чи́стою со́вестию, да́же до последня́го моего́ издыха́ния, досто́йно причаща́тися святы́нь Твои́х, во оставле́ние грехо́в, и в жизнь ве́чную. Ты бо еси́ хлеб живо́тный, исто́чник святы́ни, Пода́тель благи́х, и Тебе́ сла́ву возсыла́ем, со Отце́м и Святы́м Ду́хом, ны́не и присно, и во ве́ки веко́в. Ами́нь.

### **Молитва 3-я, Симеона Метафраста**

Да́вый пи́щу мне плоть Твою́ во́лею, огонь сый и опаля́яй недостойныя, да не опали́ши мене́, Содéтелю мой; па́че же пройди́ во уды́ моя́, во вся́соста́вы, во утробу, в се́рдце. Попали́те́рние всех мои́х прегреше́ний. Ду́шу очисти́, освяти́ помышле́ния. Соста́вы утверди́ с косты́ми вкупé. Чувств просвети́ просту́ю пята́рицу. Всего́ мя спригвозди́ стра́ху Твоему́. При́сно покрый, соблюди́ же, и сохрани́ мя от вся́каго де́ла и слова́ душетле́ннаго. Очисти́ и омой, и украси́ мя; удобри́, вразуми́, и просвети́ мя. Покажи́ мя Твое́ селéние еди́наго Ду́ха, и не ктому́ селéние греха́. Да я́ко Твоего́ до́му, входом причаще́ния, я́ко огня́ мене́ бежитъ всяк злоде́й, вся́ка страсть. Моли́твенники Тебе́ приношу́ вся́ святы́я, чинонача́лия же безпло́тных, Предте́чу Твоего́, премудрыя Апосто́лы, к сим же Твою́ нескве́рную чи́стую Ма́терь, ихже мо́льбы́ Благоутробне приими́, Христé мой, и сы́ном све́та соде́лай Твоего́ служи́теля. Ты бо еси́ освяще́ние и Еди́ный на́ших, Бла́же, душ и све́тлость; и Тебе́ лепоподобно, я́ко Бо́гу и Влады́це, сла́ву вси́ возсыла́ем на всяк день.

### **Молитва 4-я**

Тéло Твое́ Свято́е, Го́споди, Иису́се Христé, Бо́же наш, да бу́дет ми в живо́й вéчный, и Кро́вь Твоя́ Честна́я во оставле́ние грехо́в: бу́ди же ми благодарéние сиé в ра́дость, здра́вие и весе́лие; в стра́шное же и второ́е пришéствие Твое́ сподоби́ мя грéшнаго ста́ти одесну́ю сла́вы Твоея́, моли́твами Пречи́стыя Твоея́ Ма́тере, и всех святы́х.

### **Молитва 5-я, ко Пресвятой Богородице**

Пресвята́я Влады́чице Богороди́це, све́те помраче́нныя моея́ души́, наде́ждо, покровé, прибéжище, утеше́ние, ра́дование моé, благодарю́ Тя, я́ко сподобила́ мя еси́ недостойнаго, прича́тника бы́ти Пречи́стаго Тéла и Честны́я Кро́ве Сы́на Твоего́. Но ро́ждшая и́стинный Свет, просвети́ моя́ у́мныя о́чи се́рдца; Я́же Исто́чник безсме́ртнаго ро́ждшая, оживотвори́ мя умерщвле́ннаго грехо́м; Я́же ми́лостиваго Бо́га любоблагоутробна́я Ма́ти, поми́луй мя, и да́ждь ми умилéние и сокруше́ние в се́рдце моé, и смире́ние в мы́слех мои́х, и воззва́ние в пленéниях помышле́ний мои́х; и сподоби́ мя до

послѣдняго издыханія, неосужденно приимаѣи пречистых Тайн освященіе, во исцеленіе души же и тѣла. И подаждь ми слѣзы покаянія и исповѣданія, во еже пѣти и славити Тя во вся дни живота моего, яко благословенна и препрославленна еси во вѣки. Аминь.

Нынѣ отпускаеши раба Твоего, Владыко, по глаголу Твоему, с миром: яко видѣста очи мои спасеніе Твое, еже еси уготовал пред лицем всех людѣй, свет во откровеніе языков и славу людѣй Твоих, Израїля.

Святыи Боже, Святыи Крепкий, Святыи Безсмертный, помилуй нас.  
(Трижды)

Слава Отцу и Сыну и Святому Духу, и ныне и присно и во вѣки веков. Аминь.

Пресвятая Троице, помилуй нас; Господи, очисти грехи наша; Владыко, прости беззаконія наша; Святыи, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во вѣки веков. Аминь.

Отече наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Тропарь св. Иоанну Златоустому, глас 8-й:**

Уст твоих, якоже свѣтлость огня, возсиявши благодаѣть, вселенную просвети: не сребролюбия миру сокровища сниска, высоту нам смиренномудрия показа, но твоими словесы наказуя, отче Иоанне Златоусте, моли Слова Христа Бога спасти души наши.

**Кондак, глас 6-й:**

Слава Отцу́ и Сы́ну и Свято́му Ду́ху.

От небес прия́л еси́́ Божественную благода́ть, и твоими́ устна́ма вся́ учиши́ поклоня́тися в Трои́це единому́ Бо́гу, Иоа́нне Златоу́сте, всеблаже́нне преподобне, достойно́ хвали́м тя: еси́́ бо наста́вник, я́ко божественная́ явля́я.

И ны́не и при́сно и во ве́ки веко́в. Ами́нь.

*Богородичен:* Предста́тельство христиа́н непосты́дное, хода́тайство ко Творцу́́ непрело́жное, не прэ́зри грéшных молéний гла́сы, но предвари́, я́ко Благая́, на по́мощь нас, ве́рно зову́щих Ти: ускори́ на моли́тву, и потщи́ся на умоле́ние, предста́тельствующи́ при́сно, Богороди́це, чту́щих Тя.

*Если совершалась литургия святого Василия Великого, читай*

**Тропарь Василию Великому, глас 1-й:**

Во всю зéмлю изы́де веща́ние твоé, я́ко приéмшую́ сло́во твоé, и́мже боголе́пно научи́л еси́́, естество́́ сущих уясни́л еси́́, челове́чския обы́чаи украси́л еси́́, ца́рское свяще́ние, о́тче преподобне, моли́ Христа́́ Бо́га, спасти́ся душа́́и на́шим.

**Кондак, глас 4-й:**

Слава Отцу́́ и Сы́ну и Свято́му Ду́ху.

Яви́лся еси́́ основа́ние непоколеби́моé Цéркве, пода́я́ всем некрадо́мое господ́ство челове́ком, запечатле́я твоими́ велéньми, небоявлéнне Васи́лие преподобне.

И ны́не и при́сно и во ве́ки веко́в. Ами́нь.

*Богородичен:* Предста́тельство христиа́н непосты́дное, хода́тайство ко Творцу́́ непрело́жное, не прэ́зри грéшных молéний гла́сы, но предвари́, я́ко Благая́, на по́мощь нас, ве́рно зову́щих Ти: ускори́ на моли́тву, и потщи́ся на умоле́ние, предста́тельствующи́ при́сно, Богороди́це, чту́щих Тя.

*Если совершалась Литургия Преждеосвященных Даров, читай*

**Тропарь святому Григорию Двоеслову, глас 4-й:**

Иже от Бога свыше божественную благодать восприём, славне Григорие, и Того́ силою укрепляемь, евангельски шествовати изволил еси́, отонудуже у Христа́ возмездие трудовъ приял еси́ всеблаженне: Егоже моли́, да спасёт души наша.

**Кондак, глас 3-й:**

Слава Отцу́ и Сыну и Святому́ Духу.

Подобоначальник показался еси́ Начальника па́стырем Христа́, иноков чреды́, отче Григорие, ко ограде небесней наставляя, и отту́ду научил еси́ стадо Христово заповедем Его́: ныне же с ними радуешься, и ликуеши в небесных кровех.

И ныне и присно и во веки веков. Ами́нь.

*Богородичен:* Предстательство христиа́н непостыдное, ходатайство ко Творцу́ непреложное, не презри грешных молений гласы, но предвари́, яко Благая́, на помощь нас, верно зовущих Ти: ускори́ на моли́тву, и потщися на умоление, предстательствуящи присно, Богородице, чтущих Тя.

Го́споди, помилуй. (12 раз)

Слава Отцу́ и Сыну и Святому́ Духу, и ныне и присно и во веки веков. Ами́нь.

Честнейшую Херувимъ и славнейшую без сравнения Серафимъ, без истления́ Бога́ Слова́ рождшую, сущую Богородицу Тя величаём.

*После Причащения да пребывает каждый в чистоте, воздержании и немногословии, чтобы достойно сохранить в себе принятого Христа.*



**ZAPRASZAMY WKRÓTCE**